



Takornariartitsinermik inuussutissarsiuteqartunut suliffeqarnermut ikiorsiissutinit aningaasanik qinnuteqarnermut, tunniussinermut allaffissornikkullu aqutsinermut malittarisassat 01. juli 2021-meersut

02-07-2021
Sagsnr. 2021-1626

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Aningaasanut inatsimmi kontomut pingaarnermut 20.10.34-mut oqaasertaliussaq nr. 4 naapertorlugu takornariartitsinermik inuussutissarsiuteqartunut ingerlatsinermut ikiorsiissutinik qinnuteqarnermut, tunniussinermut allaffissornikkullu suliffeqarnermullu ikiorsiissutit najoqqutassiat aalajangersarneqarput.

Naalakkersuisut Inatsisartut Aningaasaqarnermut Akileraartarnermullu Ataatsimiititaliap akuersineratigut ikiorsiissutit pingasut pilersinneqarput, taakkulu atorlugit nunarsuarmi tuniluuttoqarnerata kinguneranik takornariartitsinermik inuussutissarsiuteqartut niuerfimmi pissutsinut sulii naleqqussarnissaat qulakkeerneqassaaq inuussutissarsiortullu nunarsuarmi tuniluuttoqarnerata kingunerisai ilimagineqartutut annikilliarturnerat ilutigalugu angalaqqittoqalerpat takornarissanik sulii sullitaqarsinnaanissaat qulakkeerneqassalluni.

Ikiorsiissutit tassaapput ajornartoortoqarnerani ikiorsiissutit, ingerlatsinermut ikiorsiissutit aamma suliffeqarnermut ikiorsiissutit. Ikiorsiissutit assigiissutaat tassaavoq takornariartitsinermik inuussutissarsiuteqartunut suliffeqarfinnullu tuniluuttoqarnissaa pinngitsoorniarlugu killilersuinerit ilaattut Naalakkersuisunit matoqquneqarsimasunut tunngatinneqarnerat.

Najoqqutassiat uku suliffeqarnermut ikiorsuussutitut atuupput.

1 Piumasaqaatit nalinginnaasut

A. Suliffeqarnermut ikiorsiissutit takornariartitsinermik inuussutissarsiuteqarnermi suliffeqarfinnut tunngapput.

i. Takornariartitsinermik inuussutissarsiuteqarnertut isigineqartut tassaapput ataani taaneqartuni pingaarnertut minnerpaamik 50 %-inik kaaviaartitalit:

- 49.39.20 Takornarissanik biilnik angallassineq nunamilu ilaasunik angallassinerit allat
- 50.10.00 Ilaasunik immakkut sinerissamilu angallassinerit
- 50.30.00 Immakkut nunap iluatigut ilaasunik angallassinerit

- 51.10.20 Timmisartumik attartornerit taxatullu timmisartumik angalassinerit
- 55.XX.XX Unnuisarfiit
- 56.XX.XX Neriniartarfiit
- 71.12.40 Ujarassiornermik misissuinerit suliallu pilersaarusiornera, landinspektøri il.il.
- 79.11.00 Angalatitseqatigiiffiit
- 79.12.00 Angalanissamik aaqqissuisartut
- 79.90.00 Inniminniinissamat sullissisartut sullississutillu allat
- 90.01.10 Isiginnartitsinerit tusarnaartitsinerillu
- 90.04.00 Isiginnaartitsiviniq tusarnaartitsivinnik, kulturikkut illorsuarnik ingerlatsinerit.
- 91.02.00 Katersugaasiviit
- 91.03.00 Oqaluttuarisaanermi eqqaassutissat illullu takornarissanillu ornigarneqartatut allat

ii. Suliffeqarfiitaaq Covid-19-ip tuniluunnera annikillisinniarlugu killilersuinerit kingunerannik sivikinnerpaamik ulluni 14-ini matoqqanissamik Naalakkersuisunit peqquneqartut suliffeqarnermut ikiorsiissutiniq taakkunanga qinnuteqarsinnaapput.

B. Suliffeqarnermut ikiorsiissutit suliffeqarfinnut qinnuteqarsinnaatitaasunut suliffeqarnermut ikiorsiissutiniq imaqarput.

i. Piffissamat 1. januaari 2021-miit 31. oktoberi 2021-mut akissarsianut taartisiaqartitsisoqarsinnaavoq. Akissarsianut taartisiat qaammatisiutit malillugit qaammatikkaarlugit naatsorsorneqartassapput.

1. Qulaani taaneqartumut "71.12.40 Ujarassiornermik misissuinerit suliallu pilersaarusiornera, landinspektøri il.il."-nut periarfissaavoq, akissarsianut taartisiat tunineqarsinnaaneq, piffissami 1. juuli 2021-mit 31. oktoberi 2021 tungaanut. Akissarsianut taartisiat qaammatisiutit malillugit qaammatikkaarlugit naatsorsorneqartassapput.

ii. Qinnuteqartut aningaasaqarneq pissutigalugu sulisunik soraarsitsisimasut sulisunik allanik soraarsitsinermi akissarsianut taartisinissamik kingusinnerusukkuq qinnuteqarnissamat mattunneqanngillat. Taamaattoqarnerani akissarsianut taartisiat siusinnerpaamik ullormit kingullermik soraarsitsinermi taassuma kingorna ulloq siulleq atuutilersinnaapput.

iii. Sulisut piffissami soraarsitsinissamik siumut nalunaaruteqarnerup kingorna suliffeqarfimmi sulisimanersut apeqqutaatinnaq sulisunut soraarsinneqareersunut akissarsianut taarsiitsisoqarsinnaanngilaq.

C. Akissarsianut taartisiat piffissanut ullunut 14-inut qaammammulluunniit akissarsitsinermut nalinginnaasumut atatillugu naatsorsorneqassapput.

i. Akissarsianut taartisiassamik qaammammik akissarsitsiviusumi qaammatisiutit malillugit qaammatiniq marlunnik ilallugit

qinnuteqartoqarsinnaavoq. Tamanna imatut paasineqassaaq suliffeqarfiit akissarsianut januaarimi akilerneqartunut januaarimi, februaarimi marsimilu taarsigivineqarnissamik qinnuteqarsinnaasut.

D. Aaqqissuussineq 1. januaari 2021-mit ulloq 31. oktober 2021 ilanngullugu atuuppoq.

2 Akissarsianut taartisinissamut piumasagaatit

A. Suliffeqarfik CVR-imi Kalaallit Nunaanni angerlarsimaffeqartutut nalunaarsorsimassaq. CVR-normut ataasiakkaat ataani immikkoortut P-it amerlassusaat apeqqutaatinnaq qinnuteqaatitut ataatsitut isigineqassapput. Immikkoortut P-t immikkut qinnuteqarsinnaanngillat

B. Suliffeqarfiit pisortat pigisaat, tassunga ilanngullugit aktiaatileqatigiiffiit Namminersorlutik Oqartussat kommunillu pigisaat, aaqqissuussinermik atuisinnaanngillat. Pisortat suliffeqarfii imatut paasineqassapput suliffeqarfiit tamarmik pisortanit toqqaannartumik toqqaannanngitsumilluunniit pigineqartut, suliffeqarfiillunniit pisortanit 49 %-mik piginneqataaffigineqartut. Aaqqissuussineq aamma peqatigiiffinnut, aningaasaateqarfinnut ingerlatsivinnullu imminnut pigisunut, pisortat ingerlatseqatigiiffiit ingerlatsinermini aningaasartuutaannut nalinginnaasunut tamarmiusunut affaa ataallugit tapiissuteqartarpata atuuppoq.

C. Suliffeqarfiup kaaviiartitanit 2020-mi annaasai 2019-imut sanilliullugu minnerpaamik 30 %-iuneri uppersinnaassavai. Taakku tassaapput 2020-mi tamarmi kaaviiartitat 2019-imi tamarmi kaaviiartitanut sanilliunneqartussat. Isertitat tamarmik, Inuussutissarsiutitunut ikiuutit tapiissutillu allat ilanngunneqassapput. Suliffeqarfiit 2019-imi kaaviaartitaqarsimanngitsut tapersiiffigineqarsinnaatitaanngillat.

i. 2.C. suliffeqarfinnut 1.A.ii-mi ilaasunut atuutinngilaq.

F. Suliffeqarfimmi sulisut amerlanersaat Kalaallit Nunaanni najugaqassapput.

G. Suliffeqarfiup aqutsisui piginnittuulu akileraartarneq pillugu inatsimmik unioqqutitsisutut eqqartuunneqarsimassanngillat imaluunniit Kalaallit Nunaanni pinerluttulerineq pillugu inatsimmi aningaasanik pinerluuteqarneq pillugu aalajangersakkanik ukiuni kingullerni tallimani unioqqutitsisimassanatik.

H. Angerlartitsinermini qinnuteqartup sulisui piffissami akissarsianik taartisiffiusumi ikinnerpaamik 30 %-ii imaluunniit sulisut ikinnerpaamik 25-t pineqassapput. Suliffeqarfik sulisut amerlassusaannik naatsorsuinermini sulisut aalajangersimasumik atorfeqartut atussavai. Aaqqissuussineq sulisunut piffissat ilaannaanni sulisartunut atuutinngilaq.

I. Angerlartitsinermini tamakkiisumik akissarsiaqartitsisoqassaaq.

J. Angerlatitsineq COVID-19-ip toqqaannartumik kingunerissavaa.
Sulisoq piffissami angerlartinneqarfiusumi qinnuteqartumi suliassanik
suliaqassanngilaq – imaluunniit sulisitsisumi allami nutaamik
akissarsiaqarfiusumik (akissarsiarineqareersulluunniit annertusisitsilluni)
sulissanani.

3 Pinngitsoorani sulinngiffeqarneq/qaangiuttoornermut taarsiullugu sulinngiffeqarneq

A. Sulisoq qaammatisiutit malillugit qaammatini tamani ulluni tallimani
sulinngiffeqassaaq/qaangiuttoornermut taarsiullugu sulinngiffeqassaaq. Piffissaq
akissarsianut taartisiviusoq ullunit 14-init sivikinneruppat piffissaq
sulinngiffeqarfik ulluni 2,5-ini sulinngiffeqarnertut/qaangiuttoornermut
taarsiullugu sulinngiffeqarnertut naatsorsorneqassaaq, taamaanngippat ullut 14-it
sinnerlugit qaammatisiutillu malillugit qaammat ilivitsoq ataaseq tikillugu
akissarsianut taartisiffiusumi ullut sulinngiffeqarnerit/qaangiuttoornermut
taarsiullugu sulinngiffeqarnerit tallimaassapput.

B. Sulisunut akissarsiaqarluni sulinngiffeqarnissamik katersisimanngitsunut
anigaasat taartisarineqartut 2,5/30-mik imaluunniit 5/30-imik
ikilisinneqassapput.

4 Akissarsianut taartisianik naatsorsuineq

A. Akissarsianut anigaasartuutit soraarnerussutisiassanik ileqqaakkanik
aaqqissuussinerit sulisitsisumit allaffissornikkut aqunneqartut ilanngullugit 90
%-iinik akissarsianut taartisiaqartitsisoqassaaq, kisiannili piffissaq tamaat
sulisumut ataatsimut qaammatisiutit malillugit qaammammut ataatsimut
annerpaamik 20.190 kr.-it.

B. Piffissaq akissarsianut taartisiaqarfiusoq ullunit 30-nit sivikinneruppat,
taartisiat ulloq unnuarlu ilivitsumut qaninnermut qummut aaqqillugit
naatsorsorneqassapput. Tassani akissarsianut anigaasartuutit assingi anigaasat
pisortanit qinnuteqartumut tapersiissutigineqarsimasinnaasut
ilangaatigineqassapput.

5 Qinnuteqarneq uppenarsaanerlu

A. Akissarsianut anigaasartuutaareersimasunik soraarnerussutisiassamut
ileqqaakkanik aaqqissuussinerit sulisitsisumit allaffissornikkut aqunneqartut
ilanngullugit taartisiaqartinneqarnissamik qinnuteqartoqarsinnaavoq. Piffissamut
akissarsianut taarsiaqartinneqarfiusussamut qinnuteqarmut akissarsiat allagartaat
nassiunneqassapput.

B. Akissarsianut taartisiaqartinneqarnissamik sullissivik.gl / Borger.gl aqqutigalugu qinnuteqartoqassaaq. Paasissutissat suliamut attuumassuteqartut tamarmik nittartagaq aqqutigalugu nassiunneqarsimatinnagit qinnuteqaat tiguneqarsimassanngilaq.

B. Qinnuteqarnermi eqqortunik paasissutissiisimanermik ilumoorluinnarluni nalunaaruteqartoqassaaq aammalu paasissutissat oqartussanit suliamut attuumassuteqartunit pissarsiarineqarsinnaanerannik suliarineqarsinnaanerannillu akuersinermik nalunaaruteqartoqassalluni.

C. Naalakkersuisut akissarsianut taartisiaqartinneqarnissamut piumasaqaatit eqqortinneqarsimanissaasa qulakkeernissaa siunertarlugu paasissutissanik annertunerusunik piumasaqarsinnaapput. Paasissutissanik annertunerusunik tunniussinissamut naleqquttumik piffissaliisoqassaaq. Piffissarititap iluani paasissutissanik tunniussisoqanngippat qinnuteqaat itigartitsissutigineqassaaq.

6 Akiliineq

A. Akissarsianut taartisianik akiliinermi qaammatisiutit malillugit qaammammi akileraarutitut A-nut matussutitut 30 %-ii akiliutigigallatut uninngatinneqassapput.

7 Nakkutilliineq aamma utertitsilluni akiliineq

A. Taartisiaritinneqartut imatut pisoqarpat utertillugit akilerneqarnissaat piumasarineqarsinnaavoq:

- i. Qinnuteqartoq aningaasaqarneq pissutigalugu piffissami akissarsianut taartisiaqartitsiviusumi sulisunik soraarsitsippat.
- ii. Qinnuteqartup sulisoq piffissami akissarsinik taartisiaqartitsiviusumi suliseqqilerpagu.
- iii. Qinnuteqartoq akissarsianut taartisiaqartinneqarnissamik qinnuteqarnermi eqqunngitsumik paasissutissiisimappat.
- iv. Qinnuteqartoq taartisiaqarsinnaatitaanani piumasaqaatilluunniit qulaaniittut akimorlugit akissarsianut tartisisimappat.

B. Suliffeqarfik akissarsianut taartisianik akiliiffigineqarnermut piumasaqaatitut tamassuma kingorna nakkutilliinissaq siunertarlugu Naalakkersuisunut piumasaqaateqarfigineqarnikkut paasissutissiissaaq.

C. Naalakkersuisut pisinnaatitaaffigisanik tapersiisoqarsimanersoq kukkunersiuisumit nalunaaruteqartoqarnissaanik piumasaqaateqarsinnaapput.

- i. Naalakkersuisut aningaasaliissutigineqartunik kukkunersiuisoq akuerineqartoq atorlugu nakkutilliisinnaapput.

D. Aningaasat akilerneqartut imatut pisoqarnera paasinarsippat tamakkiissumik ilaannakortumilluunniit utertillugit akilerneqarnissaat Naalakkersuisut piumasarisinnaavaat:

- i. akiliinermi tunngaviit annertuumik allanngorpata.

ii. suliffeqarfik eqqunngitsunik paasissutissiisimappat imaluunniit suliffeqarfiup paasissutissiissutigineqartunik eqqortuusorinnissimanera apeqqutaatinnagu paasissutissanik suliamik aalajangiinnermi pingaaruteqartunik nipangiussisimappat.
iii. uppersaatit piumasarineqartut piffissarititap aalajangiussap iluani Akileraartarnermut Aqutsisoqarfimmit pissarsiarineqarsimangippata imaluunniit imaluunniit paasissutissat naammangippata.

E. Suliffeqarfik eqqunngitsunik paasissutissiisimappat imaluunniit suliamik suliarinninnermi salloqittaaniarsarisimappat Naalakkersuisut Kalaallit Nunaanni Pinerluttulerineq pillugu inatsit, inatsit nr. 306, 30 april 2008-meersoq malillugu kinguneqartitsinissap aallartinneqarnissaa siunertaralugu Politiinut unnerluutiginnissapput.

F. Akissarsianut taartisiat akilerneqartut Akileraartarnermut Aqutsisoqarfimmut nalunaarutigineqassapput.

8 Suliassanik suliarininnermut malittarisassat

A. Akileraartarnermut Aqutsisoqarfik akissarsianut taartisiaqartinneqarnissamik qinnuteqaatinik allaffissornikkut aqutsisuuvoq suliarinnittuullunilu.

B. Akileraartarnermut Aqutsioqarfiup akissianik taartisiat pillugit aalajangiinneri Nunanut Allanut, Inuussutissarsiornermut, Niuernermut Silallu Pissusaata Allanngoriartorneranut Naalakkersuisoqarfimmut ugguuna STmaalaarut@nanoq.gl aalajangiinnermit sapaatit akunneri sisamat qaanngiutsinnagit maalaarutigineqarsinnaapput.